

შრომის ბაზარი — საბაზრო ეკონომიკის ძირითადი მამოძრავებელი ძალა

რეზიუმე

„სტატია ეხება შრომის ბაზარს და მის შემადგენელ ელემენტებს. ასევე აღნიშნულია, რომ სამუშაო ძალა დამოკიდებულია შრომისუნარიანი მოსახლეობის რაოდენობაზე, დემოგრაფიული პირობებზე, შრომის მოტივაციაზე (ხელფასზე), სამუშაო ძალის განვითარების სოციალურ-ეკონომიკურ პირობებსა და საზოგადოების ფინანსურ შესაძლებლობებზე.

სტატიაში მოკლედია მიმოხილული საქართველოს მოსახლეობის შრომისუნარიანი მოსახლეობის რაოდენობა სქესობრივ-ასაკობრივ ჯგუფში საქართველოს სტატისტიკის ეროვნული სამსახურის მონაცემების საფუძველზე.

საკვანძო სიტყვები: შრომის ბაზარი, სამუშაო ძალა, უმუშევრობის დონე, შრომის ბაზრის სტატისტიკა, ეკონომიკური აქტივობა.

ძირითადი ნაწილი

შრომის ბაზარი საბაზრო ეკონომიკის ერთ-ერთი მნიშვნელოვანი მამოძრავებელი ძალაა. მასზე უშუალოდ აისახება ეკონომიკური რეფორმის ძირითადი შედეგები. შრომის ბაზარი უზრუნველყოფს მოთხოვნა-მიწოდების კანონის საფუძველზე სამუშაო ძალის კვლავწარმოებას, განაწილებასა და გამოყენებას.¹

შრომის ბაზარი სამუშაო ძალის მყიდველები და გამყიდველების კონტაქტების სფეროა, სადაც ერთმანეთის პირისპირ წარსდგებიან ისინი, ვისაც სურთ მუშაობა და ისინი, ვინც ქირაობენ მომუშავეებს საქონლისა და მომსახურების წარმოებისათვის.

შრომის ბაზარში ძირითადად იგულისხმება სამუშაო ძალის ბაზარი, ხოლო სამუშაო ძალის ფორმირება ნიშნავს სასაქონლო ბაზარზე თავისუფალი მუშის გამოჩენას, რომელიც ფლობს სამუშაო ძალას, როგორც საქონელს.

შრომის ბაზარიც, ისევე როგორც სხვა, ნებისმიერი სახის ბაზარი, მოქმედებს ფასის გაწონასწორების საფუძველზე. შრომა ძვირია, როცა იგი

ასმათ შიშია
ბიზნესის ადმინისტრირების დოქტორი

ირმა ბახტურიძე
სტუდენტ-დოქტორანტი

იმშიათია, და იაფია, როცა იგი ჭარბია. შრომის ბაზარი ეფუძნება მოთხოვნა-მიწოდების კატეგორიებს. მოთხოვნა განისაზღვრება მათი საერთო მოთხოვნილებით რეგიონში, სამუშაო ძალის მიწოდების ფორმირება კი ხდება შრომისუნარიანი მოსახლეობის ერთობლივი შესაძლებლობებით.

თავის მხრივ, სამუშაო ძალის მიწოდება დამოკიდებულია შრომისუნარიანი მოსახლეობის რაოდენობაზე, დემოგრაფიულ პირობებზე, შრომის მოტივაციაზე (ხელფასზე), სამუშაო ძალის განვითარების სოციალურ-ეკონომიკურ პირობებსა და საზოგადოების ფინანსურ შესაძლებლობებზე.

როცა შრომის ბაზარზე საუბარი, ბუნებრივია, პირველ რიგში, უნდა განვიხილოთ საქართველოს მოსახლეობა ზოგადად და მისი სტრუქტურა სხვადასხვა ჯგუფში. განსაკუთრებით — შრომისუნარიანი ასაკი.

უმუშევრობის მაღალი დონე არა მარტო საქართველოსთვისაა დამახასიათებელი, არამედ მთლიანად გლობალური პრობლემაა. ეს გახლავთ შრომისუნარიანი ასაკის მიგრაციის ერთ-ერთი უმთავრესი მიზეზი. „საქსტატის“ მონაცემებით, ბოლო 23 წლის განმავლობაში საქართველო 1 მილიონ 260-ზე მეტმა ადამიანმა დატოვა.²

1994 წელს საქართველოს მოსახლეობის საერთო რაოდენობა დაახლოებით 5 მილიონს აღწევდა. 2018 წელს კი ქვეყანაში მხოლოდ 3,7 მილიონ ადამიანზე მეტი ცხოვრობდა. თუ ასაკობრივი ჯგუფში განვიხილავთ, ბოლო წლებში მიგრანტთა შორის შრომისუნარიანი ასაკი ჭარბობს.

საქსტატის მონაცემების საფუძველზე 2009 წლის შემდეგ უმუშევრობის დონის შემცირება შეინიშნება, მაგრამ ზოგადი მაჩვენებელი მაინც არ ყოფილა სასურველი. 2009 წელს ქვეყანაში უმუშევრობის პროცენტული მაჩვენებელი 18%-

¹ <http://www.nplg.gov.ge/gwdict/index.php?a=term&d=5&t=14701>

² <https://nostal.ge/2018/10/25/sromis-bazari-saqartvelosi/>

ეკონომიკური თეორიის პრობლემები

ზე მეტი იყო, ხოლო 2016 წელს ეს მაჩვენებელი 14% პროცენტამდე შემცირდა, ხოლო 2017 წელს კი 13,9%-ს გაუტოლდა. წინასწარი მონაცემებით, კლების ტენდენცია ნარჩუნდება, მაგრამ ზუსტი ციფრები ჯერ არ არის ცნობილი.

როცა შრომით ბაზარს განვიხილავთ, აუცილებელია უმუშევრობის დონის შედარება ასაკობრივ ჯგუფში. ამ მხრივ საყურადღებოა, რომ 15-19 წლის ასაკობრივი ჯგუფში უმუშევრობის დონემ 31,9%-ს (2016 წელს) მიაღწია და 5,7 პუნქტით მაღალია 2015 წელთან შედარებით. უმუშევრის დონე მაღალია აგრეთვე 15-24 წლის ასაკობრივ ჯგუფებშიც. ეს აიხსნება იმ გარემოებით, რომ საქართველოში ამ ასაკის (15-24) ახალგაზრდები უმეტესწილად ეუფლებიან უმაღლეს განათლებას და სწავლის დასრულების შემდეგ მათ წინაშე თავს იჩენს ორი სახის პრობლემა – პირველი, ეს არის ის, რომ შრომის ბაზარზე არ არის მოთხოვნა მათ მიერ დაუფლებულ პროფესიებზე და მათი კვალიფიკაციაც ვერ აკმაყოფილებს შრომის ბაზრის მოთხოვნებს.

გლობალური კონკურენტუნარიანობის 2014-2015 წლის რეიტინგის მიხედვით ბიზნეს ლიდერების და ინვესტორების უმრავლესობა (21%) საქართველოში ბიზნესის ხელისშემშლელ მთავარ ფაქტორად სამუშაო ძალის არაკვალიფიციურობას ასახელებს. გასული წლის რეიტინგში იგივე პრობლემა 14%-ის მიერ იყო დასახელებული.¹

ქართულ ბაზარზე, ერთი მხრივ, არსებობს მაღალი მოთხოვნა კვალიფიციურ სამუშაო ძალაზე და, მეორე მხრივ, არსებობს ჭარბი სამუშაო ძალა და მთავარი პრობლემა სწორედ მათი არასათანადო კვალიფიკაციაა.

ილიაუნის ბიზნეს სკოლის მიერ დეკემბრ-თებერვალში გამოქვეყნებული ვაკანსიების საფუძველზე ყველაზე მოთხოვნადი პროფესიების ჩამონათვალი იქნა გამოკვლეული. კვლევის შედეგებით ყველაზე მაღალი მოთხოვნა ფინანსისტებზე და საკრედიტო ექსპერტებზეა (20.1%), ასევე მაღალი მოთხოვნა ფიქსირდება გაყიდვების მენეჯერებზე (18.5%). სხვა პროფესიებზე მოთხოვნას კი შემდეგი სურათი აქვს – ტექნიკური პერსონალი – 13.2%; ექიმი/სამედიცინო პერსონალი – 9.7%; დისტრიბუცია/ვაჭრობა – 8%; აიტი სფეროს მენეჯერი – 7.4%; სხვადასხვა სფეროს მენეჯერი – 7.2%; მასწავლებელი ტრენერი კონსულტანტი – 6.4%; ტუროპერატორი – 3.5%; მარკეტინგი – 3.1%;

იურისტი – 1.9%; ინჟინერი – 1%.²

საქართველოში ყველაზე მაღალანაზღაურებად სექტორად კვლავ ფინანსური საქმიანობა და სახელმწიფო მმართველობა რჩება, ტრადიციულად ყველაზე დაბალი შემოსავლები განათლების სექტორშია.

უმუშევრობის დონე განსხვავებულია სქესის მიხედვითაც – მამაკაცებში 16,5%-ია, ხოლო ქალებში 12,3%. აქვე შევნიშნავთ, რომ საქართველოში ძალიან მაღალია იმედდაკარგული მუშახელის წილი. მათ რიცხვში შედიან ადამიანები, რომლებიც ვერ დასაქმდნენ და იმედიც აღარ აქვთ, რომ დასაქმდებიან მომავალშიც. სტატისტიკის მონაცემებით, ახალგაზრდებში, რომელთა ასაკი 15-დან 30 წლამდეა, უმუშევრობის მაჩვენებელი შეადგენს 34 პროცენტს, როცა ეს მაჩვენებელი 45 წელს გადაცილებულთათვის 8 პროცენტია. ახალგაზრდები სამსახურის ძებნაში აქტიურად მონაწილეობენ, მაშინ როცა 45 წელს გადაცილებული ადამიანები კი – იშვიათად, რადგან მათ იმედი გადაწურული აქვთ.

შრომის ბაზრის მდგომარეობა ერთ-ერთ უმნიშვნელოვანეს მაკროეკონომიკურ მაჩვენებელს წარმოადგენს.

შრომის ბაზარზე შექმნილი სიტუაცია არის ეკონომიკის მდგომარეობის საკანძო ფაქტორი. დასაქმების ანალიზით დაკავებულნი არიან სოციალ ეკონომიკური სტატისტიკის ინსტიტუტები, სადაც იხარჯება დიდი ფინანსური რესურსები, რათა სათანადო დონეზე მოძიებული, აკუმულირებული და გაანალიზებული იქნას ინფორმაციები დასაქმებისა და უმუშევრობის შესახებ. ინვესტორები ყურადღებას ამახვილებენ ისეთ მაჩვენებლებზე, როგორებიცაა:³

- უმუშევრობის დონე (Unemployment Rate);
- დასაქმებულთა რაოდენობა, რომელიც განისაზღვრება სახელფასო უწყისების მიხედვით, სოფლის მეურნეობაში დასაქმებული ადამიანების გარდა (Non-farm Payrolls);
- საშუალო სამუშაო კვირა (Average Work-week);
- შრომის ბაზრის სტატისტიკა (Employment Situation);

² <https://forbes.ge/blog/79/Sromis-bazari-saqarTveloSi>

³ <https://geoforex.info/2-etapi-cat/1392-sromis-bazris-indikatorebi>

¹ <https://forbes.ge/blog/79/Sromis-bazari-saqarTveloSi>

- თვითდასაქმება (Household Employment);
- სამუშაო ძალაზე მოთხოვნილების ინდექსი (Help Wanted Index);
- მიმართვიანობა უმუშევრობის შემწეობის მისაღებად (Jobless Claims);
- პირველადი მიმართვიანობა უმუშევრობის შემწეობის მისაღებად (Initial Jobless Claims).

უმუშევრობის დონის ინდიკატორი ასახავს უმუშევართა და შრომისუნარიან ადამიანების ერთმანეთთან შეფარდების პროცენტულ მაჩვენებელს. უმუშევრობის ზრდა ეკონომიკაში არასახარბიელო პროცესების მიმდინარეობაზე მიგვითითებს. ეს ინდიკატორი ასევე წარმოადგენს შრომის ანაზღაურებაზე ინფლაციის ზეწოლის მაჩვენებელს. რაც გამოიხატება იმაში, რომ უმუშევრობის დაბალი დონის დროს შრომის ანაზღაურება უფრო სწრაფად იზრდება. აღნიშნულმა მაჩვენებელმა შესაძლებელია მნიშვნელოვანი გავლენა იქონიოს ბაზარზე. საპროცენტო განაკვეთების ზრდის შემთხვევაში, უმუშევრობის დონის კლება იწვევს ვალუტის კურსის ზრდას.

დასაქმებულთა რაოდენობა, რომელიც განისაზღვრება სახელფასო უწყისების მიხედვით, სოფლის მეურნეობაში დასაქმებული ადამიანების გარდა (Nonfarm Payrolls). მაჩვენებელი ახასიათებს არა სასოფლო-სამეურნეო სექტორში დასაქმებული მუშა ხელის რაოდენობის ცვლილებას. ამ მაჩვენებელს უწოდებენ “ბაზრების მამოძრავებელ ინდიკატორს”, ვინაიდან მისი მაჩვენებლის ზრდა იწვევს ვალუტის კურსის ზრდას და იგი ხშირად გამოიყენება როგორც ინფლაციის დონის უმთავრესი მაჩვენებელი და შესაბამისად, როგორც საპროცენტო განაკვეთების მოსალოდნელი, შესაძლო ზრდის სიგნალიზატორი.

საშუალო სამუშაო კვირა (Average Workweek). მაჩვენებელი ახასიათებს თვის განმავლობაში სამუშაო კვირის საშუალო ხანგრძლივობას. იგი ითვლება დამხმარე ინდიკატორად და ბაზარზე უმნიშვნელო გავლენას ახდენს.

შრომის ბაზრის სტატისტიკა (Employment Situation). სტატისტიკა შედგება ორი მონაცემისაგან: 1) შინამეურნეობებისა და 2) სახელმწიფო დაწესებულებებისა და კომერციული ორგანიზაციების მიხედვით.

სამუშაო ძალაზე მოთხოვნილების ინდექსი (Help Wanted Index). ინდიკატორი ახასიათებს შრომითი ბაზრის “ძალას” და დასაქმებისთვის მოწვეულთა რაოდენობას. ინდექსის მონაცემები ქვეყნდება ქვეყნის 51 უმსხვილეს გამოცემებში. სამუშაო ძალებზე მოთხოვნის ინდექსის მაღალი მაჩვენებელი მეტწილად მუშა ხელის დეფიციტზე, რამაც შესაძლებელია შრომის ანაზღაურების ზრდა გამოიწვიოს, რათა მოზიდული იქნას დამატებითი მუშა ხელი, რაც შესაბამისად ინფლაციას იწვევს. აღნიშნული ინდექსი კარგი გამოსაყენებელია ანალიზისთვის ქვეყნის რეგიონების მიხედვით, მაგრამ პრაქტიკულად არავითარ ზეგავლენას არ ახდენს ბაზარზე.

მიმართვიანობა უმუშევრობის შემწეობის მისაღებად (Jobless Claims). ინდიკატორი მოიცავს მონაცემებს უმუშევრობის რაოდენობის შესახებ და გამოხატავს, უმუშევრობისათვის შემწეობის მისაღებად განაცხადების რაოდენობის ცვლილებას ერთი კვირის განმავლობაში. მაჩვენებელზე შესაძლებელია გავლენა იქონიოს ადგილობრივმა და ფედერალურმა დღესასწაულებმა, ან სხვა მოკლევადიანმა ფაქტორებმა.

პირველადი მიმართვიანობა უმუშევრობის შემწეობის მისაღებად (Initial Jobless Claims). ინდექსი ახასიათებს უმუშევრობის შემწეობის მიღებისათვის პირველადი განაცხადების რაოდენობის ცვლილებას. სტატისტიკაზე მნიშვნელოვან გავლენას ახდენენ სეზონური ფაქტორები, რის გამოც საკმაოდ ხშირად ხდება მაჩვენებლის შესწორება. ამიტომ პრაქტიკაში, გამოიყენება ინდიკატორის, 4 კვირის საშუალო მაჩვენებელი, რისი ანალიზის საფუძველზეც გამოაქვთ დასკვნები ქვეყანაში სიტუაციის განვითარების შესახებ.

შრომის ბაზრის დეტალური ანალიზი ემსახურება ერთ მიზანს – შრომის ბაზრის რეგულირებას, რომელიც ერთ-ერთი პრიორიტეტული მიმართულებაა სახელმწიფოსთვის. შრომის ბაზრის რეგულირებას სახელმწიფო ახორციელებს სამი მიმართულებით – სოციალური, დასაქმებისა და მაკროეკონომიკური პოლიტიკის მეშვეობით.

ეკონომიკური თეორიის პრობლემები

დასკვნა

დასკვნის სახით, შეიძლება ითქვას, რომ შრომის ბაზარიც ისევე, როგორც სხვა ყველაფერი ეკონომიკურ აქტივობას წარმოადგენს და შედგება სამუშაო ძალისგან, რომელიც, თავის მხრივ, იყოფა დამსაქმებლად და დასაქმ-

ბულად. ქვეყანაში ბიზნესის აქტივობის ზრდა და ეკონომიკური განვითარება იწვევს დასაქმების ზრდას და უმუშევრობის შემცირებას. ყოველივე ზემოაღნიშნულიდან გამომდინარე, შეგვიძლია ვთქვათ, რომ შრომის ბაზარი – ეკონომიკის ძირითადი მამოძრავებელი ძალაა.

გამოყენებული ლიტერატურა:

1. <http://www.nplg.gov.ge/gwdict/index.php?a=term&d=5&t=14701>
2. <https://nostal.ge/2018/10/25/sromis-bazari-saqartvelosi/>
3. <https://forbes.ge/blog/79/Sromis-bazari-saqarTveloSi>
4. <https://forbes.ge/blog/79/Sromis-bazari-saqarTveloSi>
5. <https://geoforex.info/2-etapi-cat/1392-sromis-bazris-indikatorebi>

Labor Market – the main propelling force of market economics

*Asmat Pipia, Doctor of Business Administration, GTU
Irma Bakhturidze, PhD student of GTU*

Summary

The article focuses on labor market and its comprising elements. It is mentioned, that the workforce is dependent on the quantity of laborers, demographic conditions, working motivations (salary), socio-economic conditions of workforce development, and financial capabilities of the society.

The article briefly reviews the quantity of the workforce of Georgia in the light of their sex and age, based on the data by the National Statistics Office of Georgia.

Key words: labor market, workforce, unemployment level, employment situation, economic activity.